

百名家詞鈔

名家詞鈔目錄

廬陵、聶先 晉人

纂定

長水 曾王孫 道扶

雙溪泛月詞

陽羨 徐瑤 天壁

南歌子 一葉落

浣溪沙 四調 菩薩蠻 柳梢青

西江月 浪淘沙

明月掉孤舟 虞美人

蝶戀花

二調

臨江仙

二調

醉春風

剔銀燈

洞仙歌

滿江紅

水調歌頭

倦尋芳

渡江雲

念奴嬌

東風第一枝

一調

齊天樂

傾杯樂

一萼紅

過秦樓

沁園春

七調

賀新郎

四調

陂塘柳
摸魚兒

雙溪泛月詞

陽羨 徐 瑤 天壁

南歌子

懷友人歲晚客燕

薊北風塵濶。天涯霜雪嚴。寒燈旅館月侵簾。應有愁
心。和夢到江南。

一葉落

卽事

浚院宇。秋生處。井梧搖落向空舞。一聲復一聲。聲聲
風和雨。風和雨。宛轉愁人語。

浣溪沙

本意

千頃柔藍鏡一泓。澄波微動簾紋平。芳洲歷歷漾空明。得月練光搖水面。無風石罅咽流聲。玉沙瑤草淨如瑩。

前調 無題

俏影翩何出繡幃。斷紅雙靨浸螺痕。低頭何事鎮消魂。不信懨懨真瘦損。那堪款款會溫存。画屏纖手暗相捫。

前調 偶見

第五橋頭春色迷。綠楊天氣踏青時。三三兩兩出門

遲○怯○膽○爲○憐○苔○徑○从○多○情○偏○愛○柳○風○軟○猩○紅○斜○揭○
一○絲○兒○

前調 水溪

昨夜西風吼玉鯨。排空雪浪霎成鱗。吳娘雙槳且教
停。雪鷺驚飛群玉圃。銀鰲穩卧水晶城。一泓清鑑
遠山橫。

菩薩蠻

雪夜廻文在集生齋頭賦

雪窗寒怕人離別。別離人怕寒窗雪。垂淚溼單衣。衣
單溼淚垂。夜深深飲罷。罷飲深深夜。無夢一燈孤。

孤燈一夢無

柳梢青

題靜香樓和吳玉濤韻

最愛新晴靜香樓畔。柳暗花明。風響迴廊。烟生曲塢。
月到深庭。枝頭幾箇嬌鶯。時挈伴憑闌共聽。一曲
瑤琴。數杯香茗。水綠山青。

西江月

艷情

月暗蘭膏融暖。花明玉露生香。惺忪春夢醒難忘。檀
暈紅潮微漾。菱鏡剛描螺黛。龍綃新試宮粧。画簾
遮處細猜詳。可記昨宵人樣。

浪淘沙 夜坐

寂○寂○小○迴○廊○花○影○茫○茫○朱○闌○獨○凭○淚○沾○裳○月○漸○西○斜○
人○不○寐○恁○地○淒○涼○武○自○好○心○腸○竟○弗○推○詳○那○知○消○
息○總○荒○唐○眼○底○流○光○心○上○事○也○索○思○量○

明月掉孤舟 本意

水○輪○湧○出○波○紋○細○浸○虛○空○蘭○橈○搖○曳○一○點○漁○燈○數○聲○
山○笛○人○在○碧○雲○宮○裏○約○畧○遠○峰○疑○翠○髻○聽○長○空○鴻○
鳴○鶴○唳○罷○釣○人○歸○抱○琴○客○去○剩○得○碧○天○如○洗○

虞美人 題便面菊花紅藥相間

秋風昨夜江南徧。憔悴歌團扇。盈盈盡檻月生涼。半
醉玉兒無力。顰檀郎。相看人比黃花瘦。暗裏芳心
逗。滿階霜色裊啼紅。借問儂顏依舊許還同。

蝶戀花

送春和周禮門韻二闕

飛絮年光看漸老。開到荼蘼花事。今春少。百計留春
無一巧。送春又怕春煩惱。夜半子規啼不了。歸去
聲聲血染江頭草。早識今朝離別到。何如莫遣他來
好。

前調

記得年年春欲老。碎玉零珠拋却知多少。我也而今
偏做巧。任他來去休生惱。不道癡心難自了。怨碧
啼紅。事事成潦草。縱使明年春復到。眼前不耐心情
好。

臨江仙

咏竹夫人和迦陵詞

雲母家邊來少婦。竹郎不厭粧村。露華濃漬暗承恩。
心○虛○時○淡○汗○骨○瘦○欲○消○魂○
只道秋娘工作妬。誰知

薄倖根源。清涼滿目訴無門。郎情傳玉女。妾夢憶王

孫。

前調

憔悴爲郎頻瘦損。周旋與我參差。恩情美滿恨偏滋。
淚斑湘水岸。節苦首陽祠。水簾有綠曾薦寢。錦衾
無別相辭。炎涼世態一心知。誰憐枯眼處。不念斷腸
時。

醉春風

春去

春到關情處。卉木偏爭嫵。鵲○鳴○聲○裏○暗○留○春○住○住○住○
不盡春思。無邊春景。休教春去。春到傷心處。風雨
偏生妬。子○規○聲○裏○暗○催○春○去○去○去○。有限春光無端春

恨休教春住

剔銀燈

寒檠

慣是淒涼時候。苦自把一龕廝守。記得年時金荷悄。
背明滅。更闌酒後寒宵依舊。枉數盡聲聲清漏。更
怕酸風長吼。一點蘭煤如豆。暗淚熒熒芳心耿耿。賺
得燈花都瘦。料伊知否。恁况味。要儂生受。

洞仙歌

題迎秀閣

孤城浪打。俯茫茫西沈。有碧霄宮瞰其右。看無邊風
景。烟水空濛。漁唱起。一幅柔藍微皺。白鷗飛隔浦。

平楚參差幾點青。螺遠峰瘦。好箇雨晴天。濃淡山雲擁樹杪。夕陽斜透。便傑閣凌虛望中迷。怡水綠山青。鬱然迎秀。

滿江紅

題董舜民蒼梧集用迦陵詞韻

曾著芒屨。竟踏遍龍堆馬邑。遊倦矣。且歸歟。高卧蘭陵城北。萬里江山愁夢斷。一庭松菊。繁懷急縱。饑來不作曳裾人。侯門揖。吟嘯處。烏絲緝。悲歌罷。青衫濕。看囊中句滿。豈嫌羞澀。簇錦攢花天亦寶。含珠吐貝人爭拾。恍蕭蕭風雨入寒窗。蒼梧集。

水調歌頭

題丁靜菴畫冊

畫仿黃子久

丁子者誰子。妙手擅丹青。展卷一爲披閱，恍若接蓬瀛。或蔚乎深以秀，或峭乎蒼以古。丘壑是天成，子久若相見，應亦嗒然驚。我宿負棲真志，恨難伸。今得是中佳處，變化莫能名。便欲撫琴動操，頓使衆山皆響。神往不勝情。長此卧遊樂，身與畫圖并。

倦尋芳

張迥石招飲海棠花下

裙腰草綠，粉面桃紅。春濃於醞，怪得君家百萬神仙。成陣露冷，粧遲嬌未足。風微浴，暖潮輕暈。想當年恰

阿環春睡。如斯風韻。算只許天邊才子。世外佳人。
偎依存問。國色無雙。那許狂蜂。廝。潤。興。到。好。憑。花。起。
舞。愁。來。細。把。花。相。認。料。今。宵。醉。歸。時。夢。兒。難。穩。

渡江雲

送路景止之金陵用迦陵韻

向。天。涯。踏。遍。囊。中。何。有。剛。剩。禿。霜。毫。歸。來。應。鍵。戶。底。
事。今。番。依。舊。理。征。袍。春。風。跨。馬。金。陵。去。雲。樹。蕭。騷。算。
從。來。江。山。風。景。強。半。屬。吾。曹。飄。搖。黃。牛。渚。畔。白。鷺。
洲。邊。任。遊。人。傾。倒。沂。長。江。勢。如。蠅。螟。萬。派。銀。濤。六。朝。
艤。艦。今。何。在。閒。憑。弔。陡。起。無。聊。乘。風。去。翻。身。直。躡。層。

霄。

念奴嬌

贈錢十峯先生和曹顧菴學士韻

好箇男兒竟拂衣。高臥飄然成逸。萬里功名今已矣。
投去還拈惟筆。吹罷齊竽。鼓餘趙瑟。白髮星星出。罵
他食客爭貪酒肉如蝨。惟愛錫嶺烟霞。梁溪魚鳥。
來往情偏密。時共九龍爭兀冪。畢竟輸君第一。項則
強乎。足云憊矣。猶幸全吾膝。長鑱在手。斜陽好種松
木。

東風第一枝

試燈夜和集生韻

螺黛旋消金環早挂。嫦娥有意相許。香街火樹爭飛。
繡戶笙歌沸語。良宵休負。快覓取賞燈伴侶。看紛紛
寶馬神龍。共向春城騰舞。纔幾陣喧闐。鐃鼓。又幾
隊妖嬈兒女。鬢雲斜貼金鈿。腰肢淺籠繡縷。悄然撇
過。聽環珮聲聲勿遽。待明朝皓影團圓。重到玉街斜
處。

前調

元宵感舊用前韻

玉管聲哀。銀花色艷。元宵景物如許。朦朧天際團圓。
款款人間笑語。年時情事。猛憶起香儔翠侶。記當初

踏月看花做出清歌妙舞。是那裏爭搗画鼓。是若
箇弄姿春女。金蓮淺印香泥。玉尖悄撚翠縷。那堪回
首。只落得淚珠拋遠。再休提。昨歲今宵。多少斷人腸
處。

齊天樂

澄江陸明府天濤開濬城河大通舟楫劉廣文易臺作詞記美示余和之

西風幾度牽愁客。重來暨陽城裏。九曲風濤。權歌歇
處。景物自成都會。年時水涘。聽潮走江沙。木蘭舟艤。
不道而今。頓教來往捷如此。風流仙吏作宰。挽銀
河灑潤。徧沃清泚。鱣徙江邊。珠還海上。父老艷傳其

事。維江有汜。喜青雀如雲。彩虹成綺。一闕吳謳。拂牋酬外史。

傾盃樂 南耕席上送次山之濟上

遶屋花疎落。燈風細。春寒不淡。問奚事。火蛾罷鬧。虹橋歇架。重排芳宴。星毬十二光爭閃。映華筵。侵繡幔。玉卮分燦。酒三行後。客極歡而忘倦。照檻外。粉英低貼。恰半吐幽香。全未展。奈有客。忽漫魂銷。一枝欲折。還嬾怪。春色江南漸滿。偏未許。天涯人看。僕醉矣。怕聽是。驪歌婉轉。

一萼紅

試燈夕歲星齋頭看橘燈

月○將○圓○喜○傳○柑○節○近○擬○架○彩○虹○遊○正○羯○鼓○聲○忙○踏○歌○
人○醉○沿○門○火○樹○侵○眸○偏○輸○與○君○家○巧○製○遣○木○奴○幻○出○
紺○珠○毬○小○比○香○囊○圓○疑○珀○碗○碧○玉○枝○頭○丹○暈○一○星○
星○在○怪○心○空○不○滅○淚○滿○難○流○髣○髴○香○樓○晚○粧○纔○罷○紅○
紅○一○笑○含○羞○憐○爾○纖○軀○嬌○軟○卸○春○衫○偏○解○試○溫○柔○則○
怕○酒○闌○紅○沁○剔○起○閒○愁○

過秦樓

寒月

皎○可○冰○壺○朗○宜○皓○鑑○一○片○光○明○空○濶○霜○飛○鴛○瓦○水○浸○

銅街。更是玉山堆雪。遙想繡幙茸茵。縱有清輝。再無人惜。問誰能還向水晶簾外。伴伊孤潔。算只有商女船邊。征人馬上。偏自看來親切。長門漏滴。冷院香沉也。共素娥幽咽。此外何知。儘他猿唱鳥啼。曉星明滅。且細調金縷。彈徹霜天冰月。

沁園春

題聽松堂爲王介眉賦堂在先人墓側

鄧尉山邊。一室巋然。顏爲聽松。看瑟瑟陰陰。蒼鱗攫地。亭亭謖謖。翠鬣摩空。若若崖崩。怒如潮捲。頃刻滄溟起。蟄龍開軒望。更樹頭潑黛。幾點晴峰。主人風

木時恫。恍堂左丘山見阿翁。悵夜夜烏啼。叫回山月。
年年鶴唳。激起松風。人則云何。樹猶如此。怪殺枝西。
不復東。吾休矣。且呼兒夜讀。聲振林中。

前調

瞻雲閣在聽松堂側介眉令嗣展能讀書所也

纔入蕭齋。更上層樓。危峰四垂。正蠡湖曉霧。稀微似。
夢。吳宮暮雨。蕩漾如絲。往跡皆塵。生涯欲醉。笑指間。
雲片片飛。雲飛處。映參差萬木。面面成圍。有時踏。
破長霓。便抱膝高吟。坐翠微。望碧天鋪浪。晴嵐特秀。
餘霞散綺。晚景尤奇。去矣還留。斷而仍續。恰似愁人。

縷縷思胡。思爾。思白雲堆裏。仙骨長棲。

前調

題汪晉賢月河詞

有客遺予。新詞一編。焚香讀之。似皓月投懷。熹微淡
池。明河瀉影。依約迷離。檀板低敲。銅琶促拍。賦柳豪
蘇。總讓伊。誰爲者。是平陽才子。名擅浮溪。而公也。

屬情癡。每學步時。爲衆所嗤。記酒罷燈闌。一枝紅豆
烏啼。花落幾幅烏絲。未免有情。不堪回首。細數生平
知己。誰還傳語。定曲高流水。珍重鍾期。

前調

送曹南耕。援梅鄧尉。洞庭。

見○說○先○生○買○撥○頭○船○脂○油○壁○車○正○鄧○尉○峰○晴○宵○窳○對○
峙○洞○庭○春○曉○縹○緲○相○於○鍊○榦○成○龍○瓊○英○作○幔○開○趨○東○
風○二○月○初○君○今○去○恰○羽○衣○入○夢○芳○襲○人○裾○堪○憐○匏○
繫○如○余○嘆○斗○室○年○年○賦○獨○居○似○新○婦○車○中○坐○還○閑○置○
枯○蝸○壁○上○行○更○趑○趑○湖○畔○單○舸○山○邊○兩○屐○輪○與○君○家○
縱○所○如○歸○來○日○定○滿○囊○香○雪○老○筆○扶○疎○

前調

題一硯齋爲吳介茲賦

有○石○窪○然○其○色○如○肝○其○澤○如○脂○想○剗○來○龍○尾○襲○之○金○
簞○鐫○成○鳳○味○匣○以○琉○璃○吸○月○輪○奇○涵○星○比○潤○記○否○當○

年坡老詩。經而古。是弘農傳後。卽墨封遺。先生抱
此何爲。愛出處。差同好。自隨有江花。滿架神來奮發。
薛濤盈篋。醉後淋漓。每向明窗。臨池潑瀉。摹盡唐銘。
與漢碑。添佳話。便齋名一硯。待我留題。

前調

上巳後路歲星招賞海棠醉後西城閒眺有感

借問如今。春在誰家。我欲尋之。恰筵開公子。情能醉
客。粧成靚女。弱不勝枝。雨後添嬌。水邊殢暈。日暖風
輕。別樣姿頻相覷。喜花當睡處。酒到酣時。醉來屢
舞。傲傲好扶上春城。一望迷見。猩紅桃頰。微開笑靨。

鵝○黃○柳○眼○略○帶○愁○眉○三○月○風○光○十○年○情○事○總○上○心○頭○
不○住○思○依○然○在○指○繚○垣○目○斷○第○幾○家○兒○

前調

題天玉舍弟柳村詞卷

自○古○文○人○不○平○則○鳴○紛○紛○激○張○縱○恥○志○暗○投○寧○懷○而○
泣○貞○心○待○聘○且○韞○而○藏○百○不○憐○人○一○無○知○已○路○鬼○柳○
揄○笑○幾○場○堪○聽○處○是○玉○簫○節○短○鐵○笛○聲○長○筆○花○時○
吐○奇○香○有○佳○句○驚○人○滿○錦○囊○只○興○寄○閒○情○風○流○放○誕○
心○傷○往○事○宛○轉○迴○翔○對○酒○悲○歌○當○花○嘯○咏○大○叫○狂○呼○
總○斷○腸○相○憐○處○但○從○今○有○淚○莫○漫○沾○裳○

賀新郎

送家葵園別駕攝篆還毘陵時適左

聽盡鴻鳴矣。嘆年來、噉噉敝邑。誰令至此。忽盼使君
天上到。士女軒然而喜。所喜者。瘡痍旋起。借問爲官
何以好。指雙溪。淼淼東流水。君不見。清如是。攀轅
此日情難已。劇堪驚。無端咄咄。茂陵男子。惹得萬家
齊墮泪。直道胡然爾爾。更怕是。君門萬里。見說六龍
飛海甸。定哀號聲徹。天王耳。還手額。殊綸被。

前調

寄贈石門吳孟舉

世道堪長嘆。儘紛紛。翻雲覆雨。人心如面。季子由來

天下士四海交遊都遍。羨慷慨雄風獨擅。名動王公。
爭折節。更飛騰健筆。凌霄漢。纔落紙。雲烟幻。咄哉。
孺子長貧賤。笑年來。無端路鬼。揶揄時慣。牢落半生。
誰鮑子。所恨古人。不見知我者。青萍黃卷。幸矣延陵。
高義在。倘相逢。休怪予生晚。踐予望。意何限。

前調

題芹野草堂爲梁溪陳集生賦

陳子人中布。是梁溪清流世裔。舊家門戶。折節遍交。
天下士。驚座雄風獨著。湖海氣向人時吐。嘆息滄桑。
身世換。怕重經西定橋邊路。先業在。悵非故。風流。

刺史君家祖。賦歸田。平泉終老。藥欄花嶼。誰料井公
剛一擲。佳話虛傳。賭墅漫贏得。文孫淚雨。世事廢興
何足道。只難忘。遼鶴無歸處。恢復好。力須努。

前調

呈陳椒峯先生

四海知名士。是當日。仲弓才品。元龍意氣。壯歲金門
榮射策。價貴洛陽之紙。更驚坐雄談貫耳。爲愛荆南
山色好。每扁舟乘興。雙溪尾。春欲暮。恣遊戲。南州
廿載交相契。念小子。未遑瞻拜。臨風翹企。子隱祠邊
欣邂逅。想像公平。竟是忍復使。當前規避。一見已蒙

青眼注。定憐才。念我良朋子。乃所願。執經侍。

陂塘柳

韻

并陳檢討迦陵先生墓和南高叔祖

指荒丘。短碑三尺。先生胡竟如此。枉教名走風塵裏。
似戟鬚眉。一霎雲泥。逝難料處。未央宮外。催魂去。詩
魔成厲。把筆墨深仇。縹緲舊怨。斷送苦吟意。年來
事。煮淚烹愁。無計。泉臺聊自偷避。隔年寒食。澆渾酒。
此日買簫無米。嘗何味。怕更少搖搖。一串青銅紙。亂
杉風起。聽日黑鴉呼。月明狐唱。不住落人淚。

摸魚兒

春夜客中聽健兒彈琵琶作邊聲

怡吳天。酸風暈月。蕭蕭景色如許。龜茲客撥檀槽響。
細按關山新譜。今與古。總兒女英雄做出淒涼語。怨
情別緒。向勅勒歌中。燕支曲裏。一一慢聲訴。分明
是和了。淋鈴碎雨。砉然霹靂爭怒。我亦天涯腸斷客。
慣有傷春思苦。春又暮。又多病多愁。况又離鄉土。鴈
絃莫鼓。看一領青衫。未終此曲。已是少乾虎。

陳椒峯

圭璣

曰天璧家學既深。天才尤鉅。詩賦古

文。無不擅絕。其詞凌今轢古。先學秦辛。多豪健之致。近乃精研姜史。益復秀艷無比。陽羨雖多才。不得不於南州一頻首矣。

聶晉人

先

曰近來詞家。好尚不同。取舍互異。要皆

不得絕妙好詞耳。今觀天璧之詞。字字出人意想外。句句如在人口頭邊。創語尖新。鍊調逸響。不雕刻以失之文。不變幻以失之野。足稱一代作者。

曾道扶

王孫

曰。天壁于填詞之道。獨化神奇。故運

斤置斧處。能盡掃谿徑。直露本色。

名家詞鈔目錄

廬陵 聶先 晉人

纂定

長水 曾王孫 道扶

湖山詞

陽羨 徐璣 天玉

望江南 四調 如夢令

添字昭君怨 琴調相思引 二調

城頭月 少年遊

浪淘沙 杏花天

南鄉子

步蟾宮

虞美人

六調

夜行船

踏莎行

臨江仙

二調

錦纏道

帶人嬌

兩同心

江城子

剔銀燈

五調

婆羅門引

送入我門來

水調歌頭

金菊對芙蓉

絳都春

東風第一枝

解語花

一萼紅

霜葉飛

沁園春

金縷曲

湖山詞

陽羨 徐璣 天玉

望江南 家園雜韻

園中好。結構本天然。插柳爲牆。因雨密。種松當戶得霜堅。不費一銖錢。

前調

園中好。山水更清幽。細石亂堆如撮豆。圓池淺鑿似歌甌。一統隸中州。

前調

園中好。几席待人凭。雨洗石臺勻綠粉。風吹瓦鐙碾。青綾眠處藉松藤。

前調

園中好。曲拍按時翻。歌鳥幾聲晴碧落。鬧蛙一部雨。黃昏絲竹那須論。

如夢令

閨夜

窗外西風飄冷。黃葉亂鋪金井。無語立空庭。怕殺秋來光景。人靜。人靜。瘦損碧梧身影。

添字昭君怨

江上對月

慣是中秋風雨。人臥蕭齋無緒。一從賦別向江干。幾
回圓。訴盡衷腸。不管。照盡淒涼無伴。當時沉醉。画
橋頭。影悠悠。

琴調相思引

無題

月色清清。懶去眠。半昏燈。燼綠無烟。箇儂相隔。只在
小樓邊。落剪有聲。知倦繡。拍窗無語。卸鳴絃。昨朝
相見。禮數太周旋。

前調

溫嶠當年玉鏡臺。到今誰許復偷開。不成逋聘。可惜

名家詩鈔
是憐才。兩小無心如夢過。一生看別只愁來。贈釵
雖好。休去剔殘梅。

城頭月

江營

江東元老稱桓武。烽火開南路。萬隊旌旄。千重甲帳。
壯士雄於虎。鳴笳伐鼓轟朝暮。只有箏琶苦。彈向
西風。携來涼月。半是從軍婦。

少年遊

艷情

竹窗搖綺鏡。臺堆雪。水面簇芙蓉。嫩蕊含紅。遠山列
翠。綵筆勝天工。麝蘭不住微香送。人倚小屏風。帶

鎖栖鴛。裙飄雙蝶。心事恁般同。

浪淘沙 對花作

好箇奈何天。做煖拋寒。紅英白萼小樓前。不管潘郎
顏欲改。還放花鮮。憶昔鏡臺邊。曾共誰妍。藏嬌偷
下水晶簾。經得幾番花信也。忽已他年。

杏花天 春日

柳絲搓熟金拖地。燕雙雙高低遊戲。夾衣風軟飛花
墜。過了清明天氣。暗自省年來情事。悔不盡夢中
癡謎。青衫已自愁憔悴。愁問春歸也未。

南鄉子

中秋若雨懷仇掌芬客京口

愁緒積綿綿。疎雨西風暗自憐。幾載飄蓬塵霧裏。關山。一樣嫦娥各自看。今日欲尋歡。雲壓梧桐少霽顏。更有離人三百里。淹然木落秋江水。國寒。

步蟾宮

冬夜作書寄曹隣湘札後書此

西風黯淡黃花瘦。人正在風前花後。半簾霜色對寒燈。要尋箇夢兒難湊。鴻書欲附眉先皺。怕不便南翔北首。心隨明月到瀟湘。起一片江潮馳驟。

虞美人

荆南遊春詞

單衣小試春明日。逐伴尋芳出。沿溪空翠列晴峰。入
望野人村子樹朦朧。踏來細草柔如席。微印鞋幫。
碧相傳近郭海棠紅。轉過曲塘灣角木橋東。

前調

大官第宅雲霄裏。門外人如蟻。可知舊主卧閒庭。寂
寞幾重窗戶挂零丁。飛燕重來靡所止。王謝餘荒
壘。古今塵事總浮萍。只有南山還比昔時青。

前調

吳蠶三月眠纔起。憔悴吳娘矣。攜筐紫陌采桑多。陣

陣東風拂袖捲紅波。遊人驚見忙偷避。匿向桑陰裏。却嫌葉淺不遮羅。斜露一雙金鳳自搓挪。

前調

撲天飛絮因風颺。不定隨蘭槳。布帆落處蟲遊船。爭。絆綠楊汀裏寺門前。三生石上徒凝望。佛力堪惆悵。年年燒盡紫樓烟。爲甚斷腸心事只依然。

前調

濃陰日午鶯調語。歛定眉梢覩。忽聞水岸竹籬開。又。見那家珠髻上船來。多應寒食歸寧女。阿母懽然。

聚。前迎爲整玉交梅。怪問幾時消瘦這腰材。

前調

粉紅樓子高三丈。內有琵琶響。鬆絃換柱做悠揚。訴
出可憐絮語別離腸。何須司馬江邊舫。老大同悽
愴。只今遊俠少年場。聽了無端半晌立斜陽。

夜行船

丁卯花朝用梅溪韻

依舊春來饒困態。問東君好春安在。社雨停飄。信風
還颺。早恐板橋花賣。難解情腸。柔似帶。碎山痕結
他雙黛。印月纖腰。忍寒半臂。想殺那年挑菜。

踏莎行

聞雁

菰滿秋田。荻飛江岸。賓鴻萬里來天漢。琤琮好語出
雲端。乘風掠過斜陽院。繡閣驚心。凭欄細看。天涯
寄到離人翰。記他人字一行多。人兒又去天涯遠。

臨江仙

咏竹夫人同家孟天壁用迦陵詞韻

嬌小湘妃何處住。渭濱舊是鄉邨。一從吹笛沐君恩。
玲瓏開淚眼。展轉伴孤魂。添箇抱衾人共枕。怨奴
與箏同源。秋風拋擲守長門。頓忘脩夏德。不許嫁烏
孫。

前調

爲汝熱腸都放下。偏何淚點參差。輕盈着手汗顏滋。
可憐君子節。不齒衛妃祠。堪怪百年雲雨夢。低頭
夜夜無辭。綬綃帳底暫相知。恩稀橋渡後。腸斷雁來
時。

錦纏道 小園秋色

嵌水空園。曲徑籬門深閉。弄秋風。牆頭薜荔。星星紅。
藥植荒砌。曉露濃勻。比胭脂還膩。想一樣花容。若
逢春際。研羅裙。索向花間遞。而今老。傍疎桐。受零霜。

碎雨不上秋娘髻

殢人嬌 蓉江詞

十尺銀牆。遮斷碧天雲影。迴廊內。虛堂空冷。繩床側。
枕怕孤眠不穩。蘭釭底。坐臥情懷莫定。戍鼓初更。
鳴蜩不噪。更何處。笛聲柔倩。淒涼好月。索走堦除聽。
只此夜。不奈故鄉心永。

兩同心 無題

慣護歡癡。生憎惜別。春寒重。睡起恹恹。添一線紅潮。
凝頰。奈今朝。百不如心。髣雲偏結。待試墨花裙子。

瘦腰輕怯怪兒郎薄倖生成殊不似逃香蛺蝶撥琵琶恨響悵悵萬般難說

江城子 江潮

東流日下太無情。勢崩洶。走江聲。獨有寒潮西上撲孤城。細雨輕烟浮遠岸。渾一色。接天平。渡頭噴浪白沙鳴。半帆輕。送人行。惹得行人幾度夢魂驚。潮去潮來潮有信。人去也不分明。

剔銀燈 閨五更棘闌卽事

画鼓更樓初打。千條燭兩廊齊挂。短幅油簾疎文竹。

席門巷飄搖低亞。月輪東射。早照着牆頭簷鏤。箇箇龍門圖跨。擎彩筆攢眉吟寫。字跡淋漓。紙光澄徹。出入總期風雅。閒思何暇。但小卜燈花開謝。

前調

漏鼓二更剛打。烟結霧濛濛飄灑。樓上朱旗。門前清角。不是書窗寒夜。英雄奇詫。取硯水漫空騰化。此後中原稱霸。河北紙頓然增價。席帽拋荒。芒鞋跳脫。都做今宵佳話。燭光微赭。月又到鴛鴦文瓦。

前調

更鼓聽來三打。奏簫管高樓音啞。切論時宜。細評往事。報國忠言如馬。筆頭刀把。橫欲掃千人舞蔗。著作雖然大雅。還只望朱衣情借。走馬花間。迷人日色。應接山陰不暇。冰壺懸架。新樣子安能拋捨。

前調

譙鼓四聲頻打。燈閃閃秋風吹夜。雁唳寒空。蟲吟壁落。簾外流星明乍。呼聲叱咤。戰鉅鹿雷霆人馬。棘刺重圍無鏡。縱峻翮凌霄難藉。富貴如基。功名似漆。入手方知真假。諸公才大。種桃李誰家門下。

前調

戍鼓五更休打

金陵夜漏禁傳五箭

猛百八疎鐘敲罷。挾瑟迎

門。送人作郡。往事思量堪怕。今番處姐。好檢點衣裳。

作嫁。

曉露漫天騰瀉。寒袖溼擁燈微炙。詩就湘靈

書成金鏡。百步青錢能射。玉輪西下。報埭口關雞鳴

也。

金陵貢院西北有雞鳴埭

婆羅門引

咏香櫞

暈檀仙果。摘來顆顆氣新鮮。宛然丹荔初成。又似彩
毬纔結。搓得十分圓。襯銅盤架上。與我周旋。我知

負汝寒蛛網。守陳編。倘趁包山橘柚。同上估船。倚門
聲價。向吳娘賺盡。画眉錢。紅奩畔。多少團圓。

送入我門來

題瞻雲閣爲楓江王介眉賦

文杏雕題。火犀蟠棟。山椒高閣迎暉。紅檣四廠。清曉
漾簾帷。吳山面面青螺洗。看一片閒雲去。恁遲此
地望湖臺館。下接錦帆烟水。往蹟如絲。耽逸維摩。風
月和塤箎。簷牙激響松濤怒。怕日落烏啼。獨繞枝

水調歌頭

江上弔古

雉堞吞吳會。山川壓楚宮。嘆息子胥父子。忠直少從

客。一。厭。城。狐。之。口。一。飽。江。魚。之。腹。顛。倒。仕。途。中。創。霸。
男。兒。志。終。愧。渡。頭。翁。攀。峰。頂。尋。舊。事。眺。江。東。如。此。
茫。茫。天。塹。興。廢。古。今。同。纔。說。荆。吳。齊。越。轉。眼。孫。劉。曹。
馬。殺。氣。變。長。虹。影。落。寒。濤。裏。奔。沸。起。蛟。龍。

金菊對芙蓉

蘭陵月夜

笑。問。旁。人。青。衫。黑。鬢。我。寧。顛。倒。如。斯。記。當。初。來。訪。楊。
苑。花。枝。打。頭。圓。月。窺。街。市。趁。三。三。兩。兩。蜂。癡。唱。江。東。
曲。操。漁。陽。鼓。動。是。傷。悲。一。自。年。大。情。移。見。春。山。秋。
水。幾。度。遲。疑。嘆。身。將。隱。矣。焉。用。文。爲。便。吾。重。到。龍。城。

下。映城心。月色離披。甘棠橋北。那邊樓子。拋了人兒。

絳都春

丙寅元夕寄懷張北堂

一○年○圓○月○算○從○頭○照○我○今○宵○清○切○別○館○寒○燈○對○影○懷○
人○夢○難○得○良○辰○辜○負○堪○憐○惜○何○況○是○常○年○作○客○一○官○
如○水○家○鄉○千○里○折○梅○難○說○戚○里○金○吾○放○夜○有○銀○毬○
火○樹○鳳○城○春○色○多○少○豪○門○住○在○神○州○五○陵○側○彈○盡○了○
銅○琶○缺○瑟○誰○獨○向○江○東○擫○笛○不○如○問○道○姮○娥○竟○朝○天○
闕○

東風第一枝

試燈前一日路歲星招飲涉趣園看梅

試問浮生歡場何有。算來無過知己。西樓聚首經年。
倒盡癡頑腸肺。排歌賭酒。却不信流光如駛。喜重來
涉趣園邊。領略暗香風細。揅滿酌新豐麴味。揅飽
噉。湫江鱸美。梅應怪我顛狂。我愛梅多幽媚。杯翻耳
熱。見簷角玉蟾飛起。忽關心明夜思君。何處燈前沉
醉。

解語花 賦得紅裙妬殺石榴花

縑車停響。艾葉初齊。淺暑侵人候。神情大嬾。總不思
製虎。無心拈豆。循廊背手。看窗外紅榴顏厚。側釵蟲

秀○照眼分明。半○胸雙眉皺。低折一枝閒走。俏無端。撥
碎○將他私呪。春○前○曾○繡○裙○六○幅○絳○萼○殷○殷○清○瘦○淚○珠○
湮○透○翻○不○似○花○枝○依○舊○儘○輸○伊○多○子○從○來○占○斷○人○間○

一萼紅

落花操爲友人悼亡

吁嗟乎。春色燎兮紫陌。芳信隔兮青鸞。誰知風雨兮。
天○乎○太○忍○。飄○泊○今○花○闌○珊○君○不○見○西○園○之○內○鶯○啼○宛○
轉○兮○蝶○飛○殘○春○兮○安○歸○花○兮○魂○散○人○兮○何○堪○月○則○
白○兮○無○影○雲○則○慘○以○淡○夢○則○無○端○來○也○鳴○鳴○去○也○冥○

冥歌兮嘯兮亭前。夕陽頽兮一片碧血。漫天兮哭杜鵑。舊青衫兮溼遍。今夜重添。

霜葉飛 霜砧

芙蓉初老。西風急。落葉滿庭難掃。天生瘦骨怯冰霜。那更空幃悄。爲檢藤箱新繡襖。怕零裙褶羅紋倒。宜稱爲誰容。漫試取菱花半面。月前偷照。還惱馬上衰裘。客中破帽。去日行裝草草。有心鍼線數程期。索把衣裳搗。堪怪今年寒恁早。風前手指形如槁。覓便付鴻鱗。怕寄過千山春寒又少。

沁園春 悼迦陵先生

太息時艱落拓書生。徒然激揚。算天涯策蹇。無如公健。南樓看月。那比公狂。金馬新門。銅駝舊路。醉酒高歌。總不妨。今何在。豈無心塵世。故把身藏。從茲罨畫文場。少繡虎雕龍。一子長從買茶南礪。隣船女唱采蘭北嶺。別院蜂忙。公若有知。應嗟寂寞。誰理年時。按拍腔。悲風起。打城頭。怒浪。徹夜汪汪。

金縷曲

甲子仲秋寓金陵桃葉渡聽隔岸絃索

蔣阜龍蟠里。嘆幾番。烟寒劫燼。塵飛荒砌。剛有無心

秦淮水。流着千年情事。還繞住長堤。姝麗翠館紅樓。
簾都捲。耀空明日。落琵琶起。聽不出。嬌喉細。婁清
玉指。粧柔媚。却撥動水天間話。關山滋味。憶自銅鞮
歌聲歇。法曲何人留記。略付與三條絃子。年少他鄉
多客思。盼相逢。須到烏衣第。終此曲。吾眠矣。

陸雲士

次雲

曰荆溪陳子其年才情蓋世而尤擅

長於倚聲廣陵一絕難乎嗣音近得徐子天璧
天玉兩人天璧才調不下其年而天玉亦駿
乎與阿兄競爽觀湖山一詞風流艷逸深渾瑰
奇幾欲駕烏絲而逼加陵一門瑜亮旗鼓相當
會見並驅中原萬人辟易豈直稱雄于銅官玉
女間已耶

徐南沙

賓

曰天玉擺落近世氣習歛情約性因狹

出奇淹貫唐宋大家而一門之中紛唱迭吟世

所未有然其思益新句愈工。良以叅雅頌軼風
騷者有賢父兄也。天璧敷鬯才華。傾于海內。天
玉陶冶塵思。進于古人。孰云雁行不甘比也耶。

名家詞鈔目錄

廬陵 聶先 晉人

纂定

長水 曾王孫 道扶

攝閒詞

山陰 吳秉仁 慎菴

荷葉杯 望江南

如夢令 河滿子

浣溪沙 采桑子

菩薩蠻 減字木蘭花

後庭花

杏園芳

清平樂

憶秦娥

琴調相思引

摘紅英

瑞鷓鴣

虞美人

錦帳春

漁家傲

醉春風

品令

玉梅令

越溪春

風入松

一叢花

醉翁操

意難忘

滿庭芳

滿江紅

漢宮春

高陽臺

聲聲慢

八聲甘州

宴山亭

百字令

玉燭新

花發沁園春

解連環

小梅花

攝
閃
詞

山陰 吳秉仁 慎菴

荷葉杯
夜坐

隙月暗窺牕缺如雪。驀地擲銀錢。看看擲向枕兒邊。

望江南
春暮

三月暮風雨。一春休。蝴蝶夢迷楊柳岸。鷓鴣聲暗杏
花樓。紅日上簾鉤。

如夢令

簾外月斜霜冷。槭槭敗蕉移影。促織不知愁。偏近翠
莎金井。驚聽驚聽。剛把夢兒催醒。

河滿子

睡起

枕上夢回人倦。只疑身在天涯。幾處綠楊流水隔。畫
橋朱戶誰家。記得別時難別。微風細雨桃花。

浣溪沙

紀夢

曲水紅橋是那家。玉人含笑折梅花。生疎還向綠楊
遮。薄倖已成新繾綣。痴情猶問舊根芽。夢回枕畔
聽啼鴉。

采桑子

憶別

扁舟風送芙蓉老。雁喚平沙。雪沁梅花。道是元宵准
到家。而今寒食清明也。蝶陣蜂衙。雨打窓紗。立盡
雕闌月影斜。

菩薩蠻

題鄒園壁上

落花驚水空。彈鵲鵲彈空。水驚花落。門閉却闌人。
人閒却閉門。綠苔春雨宿。宿雨春苔綠。山遠傍樓前。
前樓傍遠山。

減字木蘭花

春去

輕寒乍暖。挨過荼蘼春色淺。蝶陣蜂衙。又送春歸到那家。
楊花千縷榆莢飄殘。三月雨。刮盡東風。剩却櫻桃照眼紅。

後庭花

春閨

小○牕○露○濕○花○如○糝○翠○消○香○暖○蝶○婚○蜂○嫁○團○成○片○又○將○
春○晚○瞢○騰○天○氣○催○人○懶○黛○眉○紅○淺○愁○懷○怕○教○斜○陽○
見○繡○幃○遮○斷○

杏園芳

小鬟

鴉鬟翠髻朱唇。含羞未解傷春。簪花悄試越羅新。儘

溫存。偷窺粉蝶携歌扇。飛來又過東隣。潛行帶笑。
倚重門。怕人嗔。

清平樂 柳

千條萬葉。總是離愁結。搖曳灞橋三二月。還付離人。
攀折。幾回影入紗牕。子規聲暗斜陽。檢點陌頭春。
色。應憐少婦凝粧。

憶秦娥 粧成

珠簾捲。菱花影動芙蓉面。芙蓉面。宜嗔宜喜。玉紅香。
軟。粧成纖手籠金釧。兜鞋小立屏山半。屏山半。秋。

波斜溜笑郎偷看

琴調相思引

東溪曉起春分前一日

漏轉東溪月一痕樹圍山遠磨紅雲子規啼徹人影
帶黃昏曉霧漸迷楊柳岸疎星遙墮杏花村不堪
離思明日又春分

摘紅英 哭隆兒

長年別經年說傷心幼子黃泉隔嗔人問添人恨夜
雨梨花夢回爭忍情難折魂難攝模糊淚濕犀簾
月更兒閨燈兒暈恍疑笑語斷腸成寸

瑞鷓鴣

鄧尉山看梅題於沈氏寒香榭之屏上

强欺寒色騁冰姿。漫道東君有所私。香遶殿簷風動處。清分驛路月明時。

法曹何遜題詩早

有家蘭處

士林逋放鶴遲安得。廣平工賦手。錦箋標向最高枝。

虞美人

日暮

斜陽紅襯東風軟。一抹孤村遠。穿林殘月又如鉤。映帶寒鴉千點送歸舟。可憐離恨黃昏聚。獨向燈前絮判教春盡定還家。惟有牕前芍藥正開花。

錦帳春

憶別

名詩金
牆外飛花樹頭明月。恰正是那時分別眼中情。衣上
淚盡斑斑成血酒。盃紅沒。也拚而今。恨愁成纈。更
誰料音書又絕。漏聲長燈影暗。只扁舟一葉夢魂重
疊。

漁家傲 題寒江獨釣圖

淼淼空江人影瘦。扁舟風雪寒威驟。月上烟波魚覺
否。明似晝。投竿水濺蓑衣扣。倒插天光搖北斗。梅
開遠岸奇香透。擊楫放歌渾未就。篙一溜。濤聲誤認
江城吼。

醉春風 燈前

偶向燈前絮。燈前離恨聚。誰知離恨在燈前。去去去。
移過紗幃。碧光紅影。都無尋處。暗把蘭膏炷。仍是
愁千縷。莫如依舊伴殘燈。住住住。倘我孤眠夢中情。
况被他偷覷。

品令 晚次新城

沙明江晚。漸觸目愁腸斷。暮霞村樹。夕陽城郭。幾行
鴉亂。生怕黃昏時節。竹蓬半掩。孤燈紅淺。比昨夜
今宵短。和衣况味。可憐情緒。更無人管。兩盞三盃。殘

酒任憑消遣

玉梅令

落梅

香疎影暗。倩女離魂斷。殘英似雪花零亂。甚謫仙吹
笛。萬點落江城。東風又起。絮飛塵捲。書曾寄與。隴
頭人遠。空辜負西湖夢淺。剩冷烟淒月。環珮乍歸來。
錯認了。宋家庭院。

越溪春

江村

橫岸小橋斜日下。春水漲寒蘆。綠楊倒影東風軟。映
竹籬紅蓼扶疎。樵徑聞歌。漁船換酒。烟雨平蕪。參

差樹暗啼烏。燈火夜來殊。少焉江上隱隱月出人家。
蟻聚水壺還倩暮雲微着色描就輞川圖。

風入松

寄懷錫山諸子

扁舟風雨過清明。衣薄峭寒生。行人折盡江邊柳。論
絲絲都是離情。迢遞東臯燕舞。淒涼六蘂鶯聲。誰
堪朝暮短長亭。冷暖湊陰晴。一春便恁匆匆去。悞多
少綠酒紅燈。猶記芙蓉湖上。半彎曉月初橫。

一叢花

秋夕集調名

望仙樓上捲珠簾。人倚玉闌干。轆轤金井梧桐影。拂

霓裳八寶粧。閑合歡帶減。綺羅香散。釵墮柳含烟。
西河倒犯鵲橋仙。阻隔小重山。笛家吹起。雙鷗勸。惜
秋華白。苧歌殘。紅牕聽悄。無愁可解。步月咏孤鸞。

醉翁操 夜泛江上

凌空西風飄蓬。撼江濤魚龍。山移晚波。今微紅一痕。
烟樹叢叢。月影籠。噫。水浸芙蓉。有人泛舟。今其中。

浩歌擊楫。清興誰同。任閒自足。命與時。今何功。得我
心。今漁翁。共唱酬。今詩筒。不知今歲終。安問今途窮。
噫。人老還童。世之論甚。今英雄。

意難忘 隔簾聞屨聲

燈暗幽牕。奈心慵意困。欄影昏黃。池風侵暮窄。花雨
逗堦涼。紅藥後。綠蕉旁。聽悄步迴廊。轉。吟時。珠簾隱
約。甚費思量。佳人底事相妨。敢崔娘待月。賈女偷
香。閒尋金縷鳳。私覓夜明瑤。紫蝶夢。惹鶯篁。莫漏泄
春光。便作他司空。見慣。惱亂人腸。

滿庭芳 山居

雲靜山溪。花閒徑僻。林間野鳥爭呼。半彎流水。久與
世塵疎。誰問新來歲月。忘情處。一任糊塗。斜陽下。橋

頭散立還看種菰蒲。吾廬將欲暝。門垂蘿薜。牆掛
飈飈。漸好風吹至。明月平鋪。有興豪歌對酒。烹園笋
味勝尊鱸。頽然醉。松邊睡覺。紅日又來扶。

滿江紅

夏日

梅雨淋漓。釀幾樹枇杷黃熟。驚滿眼殘英退盡。翠陰
成簇。簾幕香酥。蝴蝶夢。池塘水煖。鴛鴦浴。聽疎蟬。頻
噪麥秋來。薰風足。冰簟展。泠泠玉。紗帳晃。蕭蕭竹。
擬鳴泉天外。日供千斛。塵暗苔生芳徑滑。人間月上
朱欄曲。試新茶撥火。煮松濤。除煩燠。

漢宮春

乙丑元旦示諸兒恰逢立春

爆竹轟新。趁桃符換舊。恰遇春回。黃柑曾饒。試驗霞
管。灰飛。裁紅剪綠。裊銀旛。賽舞金闥。寒尚在山頭殘
雪。溪邊薺菜花肥。此日踏青何暇。喜兒童團聚。椒
酒盈盃。從茲大家。都健。休歛愁眉。去年無恙。莫因循
今歲。知非。誰念及東風又至。鈿車芳草斜暉。

高陽臺

閨情

翠減愁蜂。香消病蝶。小園又送春歸。雙燕穿簾。團風
舞絮。爭飛綠楊影裏。鳩聲急。映紗窗。梅豆青肥。嘆孤

幃。畫。永。人。閒。寶。篆。成。灰。當。時。鬪。草。知。何。處。但。塵。埋。
玉。鏡。淚。掩。金。徽。總。是。多。情。銷。除。幾。許。腰。圍。便。教。夢。也。
無。心。做。覺。而。今。事。事。都。非。隔。薔。薇。倚。遍。闌。干。怕。近。斜。
暉。

聲聲慢

寄別

梨。雲。溽。雨。柳。絮。團。風。飛。花。點。污。琴。書。寂。寞。閒。庭。人。憐。
燕。喚。鶯。呼。便。知。沒。甚。意。緒。料。而。今。影。也。生。疎。除。消。遣。
只。青。梅。數。豆。銀。箭。投。壺。猶。記。臨。行。纏。繆。曾。香。圍。翠。
帳。酒。滴。紅。爐。轉。眼。殘。春。都。成。別。後。離。初。阻。隔。千。山。萬。

水。到。黃。昏。多。少。支。吾。更。相。憶。共。西。牕。明。月。也。無。

八聲甘州

閨憶

奈。淒。風。苦。雨。送。春。歸。花。事。漸。凋。零。正。無。人。庭。院。秋。千。
白。打。泥。墮。銀。箏。忍。見。香。消。翠。減。夢。也。怯。生。生。任。蝶。愁。
蜂。惱。龍。燕。驕。鶯。少。甚。蘭。釵。簪。髻。待。荷。觴。泛。酒。總。沒。
心。情。看。櫻。桃。紅。綻。梅。豆。又。青。青。記。當。時。別。離。共。約。莫。
辜。負。纖。手。破。新。橙。還。須。念。夜。寒。霜。重。雁。影。孤。燈。

宴山亭

初夏

嬌。謝。荼。蘼。慙。慵。芍。藥。轉。是。東。風。吹。盡。庭。墮。柳。綿。水。漲。

荷衣。牆角梅榴紅褪。燕子鶯兒頻商畧。年時芳信。難
穩。全不。管樓頭有人愁悶。 剛才過了殘春。這梅雨

黃昏。何曾一瞬。濃陰漸煖。翠逼霜紈。重經幾番蚊陣。
試立西牕。預驗取銀潢秋近。微哂還只怕梧桐葉嫩。

百字令

論坡公赤壁舊作用原韻

閒中何事。論今非古。是都無定物。笑指黃州。渾認作
三國嘉魚赤壁。說甚孫劉。曹瞞安在。空捲長江雪。殘
篇斷簡。猶言當世英傑。 詎期天意瓜分。周郎得便。
借東風吹發。映日艤艫兵百萬。撚指羣雄隨滅。衰草

寒烟魚龍夜舞。誰作衝冠髮。往時休問。舉盃遙對明
月。

玉燭新 怨別

小牕梅雨透。正乍暖輕寒。暮春時候。秋千院落紅成
陣。是處都疑僂僂。荼蘼褪雪。整幾樹櫻桃如豆。看燕
子飛向粧臺也。憐鏡中人瘦。空教倚遍闌干。怕暮
地薰風。半侵羅袖。傷春病酒。春總去。猶在別離之後。
心兒望久。待撇下。依然還又。除報他兩字平安相思
似舊。

花發沁園春

登滕王閣

彩閣凌虛。玉臺浮白。俯江翠聳如故。珠簾掩映。畫棟
輝煌。帝子風流何處。王郎作賦。到今日。總成塵土。看
暮雨。濕遍西山。朝雲飛過南浦。頻把闌干暗拍。對
離離帆檣。隱隱烟樹。神鴉棲月。社燕迎風。往事恁堪
重訴。誰憐倦旅。空懊惱。歲移年度。再休向此地登臨。
動人無限情緒。

解連環

落花

小園春暮。悵枝頭葉底。亂紅如雨。看滿徑撲蝶迎蜂。

被啣送天涯。旅懷堪訴。細點苔茵。儘飄墜繡簾朱瓦。
倘偶粘鏡裏。惹起閒愁。翠慵眉嫵。誰憐黃昏最苦。
漸沾泥帶水。和成塵土。全不管零落香魂。附衰草寒
烟。淒迷無主。影也難留。剩月下幾聲杜宇。念他時卮
酒空酌。殘風曉霧。

小梅花 晚次西口

寒鴉亂。孤村遠。雲低芳樹斜陽淺。晚霞明。布帆輕浪。
圓篙滑。兩岸暮山青。漸看人影波光裏。紅蓼灘頭漁
唱起。烟又迷。子規啼。獨自黃昏明月照前溪。眠不

得○蓬○牕○黑○也○拚○蕭○索○天○涯○客○暗○凝○眸○數○離○愁○去○年○相○
送○剛○只○過○中○秋○而○今○梅○子○青○肥○了○芍○藥○荼○蘆○開○太○早○
棟○花○殘○藕○成○蓮○爭○似○東○風○楊○柳○繫○歸○船○

丁葯園

彭

曰。慎庵詞如芙蕖出水。秀色天然。曉黛

橫秋。蒼翠欲滴。時而忼慨悲歌。穿雲裂石。時而
柔情紛綺。觸絮黏香。偶携一冊於西湖夜月。倚
聲而歌。不覺驅溫韋於腕內。掉周柳於毫端。文
人之情。生於才。有如是乎。

聶晉人

先

曰。慎庵善用虛字。極得古人精髓。昔有

讀文通詩。至遠與君別者。乃至雁門關。嘆其用
虛字爲天造地設。我於慎庵亦云。至於虛處入
神之妙。上奪化工。蓋其意到機到。筆到自有光

名
家
詩
金
飲過人。苟非讀盡萬卷書。走遍萬里路者。恐不
足以語此。